

खबरां

1. खजाना मंत्री निर्मला सीतारमण होंरें आखेआ ऐ जे सरकार आर्थिक विकास गी गति देइयै ते समावेशी विकास गी पक्का करियै इक मजबूत ते आत्मनिर्भर भारत दे निर्माण लेई कम्म करा'रदी ऐ।
2. लोकसभा नै अज्ज औद्योगिक सरबंध संहिता संशोध विधेयक-2026 पास करी दित्ता ऐ। एहू विधेयक औद्योगिक सरबंध संहिता 2020 च संशोधन करदा ऐ।
3. भारती जनता पार्टी दे निशिकांत दुबे होंरें लोकसभा च अज्ज विपक्ष दे लीडर राहुल गांधी हुंदे खिलाफ देसै गी गुमराह करने दे दोषै च इक प्रस्ताव रक्खेआ ऐ।
4. रक्षा खरीद परिषद-डी.ए.सी नै अज्ज सशस्त्रबलें दी समर्थ बधाने लेई तकरीबन 3 लक्ख 60 ज्हार करोड़ रुपें दे प्रस्तावें गी मंजूरी दित्ती।
5. विदेश मंत्रालय नै दस्सेआ ऐ जे ब्राजील दे राष्ट्रपति लूला डिसल्वे ते फ्रांस दे राष्ट्रपति मैक्रों भारत-आर्टिफिशल इंटेलीजेंस प्रभाव शिखर सम्मेलन च हिस्सा लैडन।

<><><><><><>

EVE-RS Budget Discussion

खजाना मंत्री निर्मला सीतारमण होंरें आखेआ ऐ जे सरकार आर्थिक विकास गी गति देइयै ते समावेशी विकास गी पक्का करियै इक मजबूत ते आत्मनिर्भर भारत दे निर्माण लेई कम्म करा'रदी ऐ। राज्यसभा च केंद्री बजट पर चर्चा दा परता दिंदे होई खजाना मंत्री होंरें आखेआ जे मुद्रास्फीति गी घट्ट रक्खे होई विकास दी उच्ची दर बरकरार रक्खी गई ऐ। उनें आखेआ जे राश्ट्री सांख्यिकी दफ्तर दे अंदाजे मुजब 2025-26 आहले माली बरे च देसै दी सकल घरेलू उत्पाद वृद्धि दर 7 अशारिया 4 प्रतिशत रौहगा। उनें आखेआ जे मुद्रास्फीति घटियै 2 प्रतिशत होई गई ऐ जेडी देसै दी अर्थबवस्था दी मजबूत विकास आधार गी दर्शादी ऐ। श्रीमति सीतारमण होंरें घरेलू विनिर्माण समर्थ बधाने पर बशेश बल दित्ता। उनें आखेआ जे बायोफार्मा, सेमीकंडक्टर मिशन 2.0, रेयर अर्थ कारीडोर, खेडू सामग्री, कपड़े ते लौहके, अत्त लौहके ते मध्यम दर्जे दे उद्यम लेई बशेश प्रावधान ते बजट च पैसे बक्ख रक्खे गे ना।

<><><><><><>

Loksabha Industrial Relations Code

लोकसभा नै अज्ज औद्योगिक सरबंध संहिता संशोध विधेयक-2026 पास करी दित्ता ऐ। एहू विधेयक औद्योगिक सरबंध संहिता 2020 च संशोधन करदा ऐ। संशोधन दा मकसद त्रऊं कनूनें, ट्रेड यूनियन अधिनियम 1926, औद्योगिक रोजगार स्थाई आदेश अधिनियम 1946 ते औद्योगिक विभाग अधिनियम 1947 दी निरंतरता गी लेइयै भविष्य च होने आहली कुसै बी मुश्कल थमां बचना ऐ। इनें त्रौनें अधिनियमों दी थाह औद्योगिक सरबंध संहिता 2020 नै लेई लैती दी ऐ। चर्चा दा परता दिंदे होई श्रम ते रोजगार मंत्री मनसुख मांडविया होंरें आखेआ जे 17एं राश्ट्री श्रम संगठनें दा आखना ऐ जे श्रम संहिता श्रमिकें दे हितै च लागू कीती गई ऐ। उनें आखेआ जे किश गै संगठनें इस कनूनै दा बरोध कीता ऐ। श्री मांडविया होंरें आखेआ जे श्रम संहिता वैद्यानिक समर्थन दे कन्नोकत्री घट्टोघट्ट मजूरी लागू करदी ऐ ते कुसै बी राज्य गी तय कीती गेदी घट्टोघट्ट मजूरी शा घट्ट मजूरी तय करने दी इजाजत नेई होग। एहू संहिता जनानिएं ते मर्दे गी बरोबर मजूरी दी गरैटी दिंदी ऐ ते उ'नेंगी बेल्लै सिर भुगतान पक्का करदी ऐ। श्रम संहिता तैहत् 40एं बरें शा मती बरेसू दे सभनें श्रमिकें गी बरे च इक बारी पक्क अपनी सेहतू दी जांच करवानी होग।

<><><><><><>

Dubey-Motion

भारती जनता पार्टी दे निशिकांत दुबे होंरें आखेआ जे उनें लोकसभा च अज्ज विपक्ष दे लीडर राहुल गांधी हुंदे खिलाफ देसै गी गुमराह करने दे दोषै च इक प्रस्ताव रक्खेआ ऐ। संसद दे बाहरे मीडिया आहलें कन्नै गल्ल करदे होई दुबे होंरें आखेआ जे उनें प्रस्ताव च अपील कीती ऐ जे राहुल गांधी हुंदी सदस्यता रद्द कीती जा ते उंदे पर ताउम्र चुनां लड़ने थमां बंदश लाई दित्ती जा।

<><><><><><>

LS-Committee Finance

अज्ज लोकसभा च वैश्विक आर्थिक ते सियासी हालात दे मद्देनजर भारती अर्थ बवस्था दी बरोस बारै खजाने सरबन्धी स्टैंडिंग कमेटी आसेआ दिक्ती गेदिएं सिफारिशें पर सरकार आसेआ कीती गेदी कार्रवाई बारै 29मीं रिपोर्ट पेश कीती गेई। एल.जे.पी (आर) दे अरूण भारती होरें लोकसभा च रिपोर्ट रक्खी। कमेटी नै दस्सेआ जे सियासी तनोतनी करी वैश्विक अर्थ बवस्था च बड़ी मंदी दिक्खने गी लब्बी ऐ पर भारत दी सकल घरेलू उत्पाद 2024-25 बरें च 6 अशारिया 5 फीसद दे स्हाबै बदी ऐ। ते इसी घरेलू मंग ते निवेश नै तगड़ा कीता। कमेटी नै इब्बी आखेआ जे भारत गी सभनें शा तेज बरोस करने आहली इक बड्डी अर्थ बवस्था दे रूपै च अंतरराष्ट्री मुद्रा कोष ने बी मन्नेआ ऐ। कमेटी नै अगो आखेआ जेकर भारत 8 प्रतिशत दे स्हाबे सालाना बरोस आहले महत्वकांक्षी लक्ष्य गी हासल करना चाहंदा ऐ तां उसी इस्सले घटोघट्ट दस्सें बरें लेई 31 प्रतिशत जी.डी.पी बदाइयै तकरीबन 35 प्रतिशत करनी होग। अपने परते च सरकार नै आखेआ जे ओहू कमेटी दे बिचारें कन्नै सहमत ऐ। कमेटी लौहके, अत्त लौहके ते मध्यम दर्जे दे उद्यमें गी भारती अर्थ बवस्था दी रीड दी हड्डी दे रूपै आडर अहम भूमिका गी स्वीकारदा ऐ।

<><><><><><>

SBI-Study

भारती स्टेट बैंक दी इक अनुसंधान रिपोर्ट मूजब आखेआ गेआ ऐ जे भारत दा अमरीका कन्नै बंज बपार समझौते मगरा सालाना 90 बिलियन अमरीका डॉलर दा आंकड़ा बी पार करी सकदा ऐ। एह्दे कन्नै 45 अरब डॉलर दी बादू सालाना बपार बचत बी प्राप्त होई सकग। भारतीय स्टेट बैंक-एसबीआई ने अजज इक शोध रिपोर्ट च आखेआ जे एहू बाद्दा भारत दे सकल घरेलू उत्पाद-जीडीपी दे इक अशारिया एक प्रतिशत दे बराबर ऐ। एह्दे नै विदेशी मुद्रा भंडार च त्रै अरब डॉलर दी बचत बी होई सकदी ऐ।

<><><><><><>

DAC-Rafale

रक्षा खरीद परिषद-डी.ए.सी नै अज्ज सशस्त्रबलें दी समर्थ बधाने लेई तकरीबन 3 लक्ख 60 ज्हार करोड़ रुपें दे प्रस्तावें गी मंजूरी दिक्ती। रक्षा मंत्रालय नै दस्सेआ ऐ जे भारती ब्हाई सेना आस्तै मल्टी रोल फाइटर एयर क्राफ्ट रफाल, लड़ाकू मिसाइलां ते ब्हाई ज्हाज पर आधारित मती उंचाई आहले छद्यम उपग्रह दी खरीद आस्तै जरूरी मंजूरी देई दिक्ती गेई ऐ। मंत्रालय नै आखेआ ऐ जे रफाल दी खरीद कन्नै संघर्ष दे सभनें पैहलुएं च ब्हाई तगड़ेयाई ते समर्थ होर बधोग ते लम्मी दूरी दे आक्रामक हमलें कन्नै ब्हाई सेना दी निवारक समर्थ च बी बड़ा मता बाद्दा होग। मंत्रालय मुजब खरीदे जाने आहले मते रफाल लड़ाकू ज्हाजें दा निर्माण भारत च गै कीता जाह्ग। मंत्रालय नै आखेआ जे लड़ाकू मिसाइलां बड़ी मती मारक समर्थ ते सटीकता कन्नै जमीनी हमले दी समर्थ गी बदाडन।

<><><><><><>

Education-AI

शिक्षा मंत्री धर्मेन्द्र प्रधान होरें आखेआ जे सरकार शिक्षा क्षेत्र च आर्टिफिशियल इंटेलिजेंस-ए आई दे इस्तेमाल गी बढावा देआ र दी ऐ। दिल्ली च भारत बोधन एआई सम्मेलन-2026 च उने आखेआ जे भारतीय शिक्षा व्यवस्था च एआई पर तेजी कन्नै कम्म होआ र दा ऐ ते इस दे आस्तै देश च पर्याप्त युवा प्रतिभा मौजूद ना। केन्द्रीय मंत्री होरें आखेआ जे एआई गी भारत दी शिक्षा प्रणाली च कक्षा 3 थ्वा लेईए उन्नत शोध स्तर तकर पाठ्यक्रम च शामिल कीता जाग। कन्नै गै इसी इक शोध विषे, नवाचार दे मॉडल ते संचार रणनीति दे तौर पर बी शामिल कीता जाग।

<><><><><><>

RS-EPFO J&K

श्रम ते रोजगार मंत्री शोभा करंदलाजे होरें आखेआ ऐ जे जम्मू-कश्मीर पिछले दो बरें च 1 लक्ख 60 ज्हार नमें कर्मचारी ई.पी.एफ.ओ यानि कर्मचारी भविष्य निधि संगठन च शामिल होई गए ना। राज्यसभा च प्रश्नकाल दुरान जम्मू-कश्मीर च बेरोजगारी दे मसले पर बोलदे होई मंत्री होरें दस्सेआ जे सरकार नै नोजोआनें गी अगो आहनेने आस्तै कई स्कीमां शुरू कीतियां ना। उनें दस्सेआ जे उद्यम पोर्टल पर 8 लक्ख 20 ज्हार इकाईयां पंजीकृत न जेदे करी 32 लक्ख लोकें गी रोजगार थ्होआ ऐ। क्रेडिट गारंटी स्कीम तैहत् 12 लक्ख करोड़ रुपे दा दोआर पूरे देश च उद्यमिएं गी दित्ता गेआ ऐ जदके 3 लक्ख 50 ज्हार लोकें गी 4 ज्हार 390 करोड़ रुपे दा दोआर सिर्फ जम्मू-कमीर च गै दित्ता गेआ ऐ।

<><><><><><>

Budget-Announcement

सेहत ते मेडिकल शिक्षा मंत्री सकीना इतू होरें अज्ज आखेआ जे मुखमन्त्री उमर अब्दुल्ला होरें दूर-दरेडे इलाकें च सेवा देआ'रदे कर्मचारिणं आस्तै बजट पेश करदे होई जारी करने दी महत्वपूर्ण घोशणा कीती ऐ। मंत्री होरें एह जानकारी विधानसभा सदस्य जावेद अहमद हुंदे सवालै दे परते च दिती। उनें लौऽ पाई जे इस अच्छी पहल कन्नै दूर-दरेडे, पिछड़े इलाकें च लोकं गी सहूलतां देने च बेहतरी औग, खास करिए सेहत, शिक्षा ते दुए खेत्तरें च। उनें जोड़ेआ जे हाल च गै सरकार नै जे.के.पी.एस.सी गी मेडिकल अधिकारिणं दी 480 भर्तिणं आस्तै आखेआ ऐ। उनें दस्सेआ जे चुनने दी प्रक्रिया पूरी होने मगरा नमें डॉक्टरें गी दूर-दरेडे इलाकें च ते सेहत केंद्रें च नियुक्त कीता जाह्ग जित्थे स्टाफ दी कमी ऐ।

<><><><><><>

Puduchery Vote on Account

पुदुचेरी असेंबली नै अज्ज ध्वनि मत कन्नै विनियोग विधेयक पास करी दित्ता ऐ जेदे तैह्त्त 2026-27 आह्ले माली बरें दे पैह्ले 5एं म्हीनें लेई 5 ज्हार 396 करोड़ रपे रक्खे गए न। एह विधेयक मुखमन्त्री एन. रंगासामी होरें जिंदे कश खजाना विभाग बी ऐ, असेंबली च पेश कीता। चालू माली बरें लेई बाददू खर्जे अखराजातें लेई इक होर विधेयक बी मंजूरी लेई सदन च रक्खेआ गेआ। तयशुदा कम्में मगरा सदन गी अनमित्थे समें लेई स्थगित करी दित्ता गेआ।

<><><><><><>

MEA-Breifing

ब्राजील दे राष्ट्रपति लुई इनैशियो लूला डिसल्ला इस म्हीने दी 18 तरीकै थमां 22 फरवरी तगर भारत दे राजकीय दौरें पर औडन। नमीं दिल्ली च लगने आह्ले भारत-आर्टिफिशल इंटेलीजेंस प्रभाऽ शिखर सम्मेलन च हिस्सा लैने लेई उनेंगी प्रधानमन्त्री नरेंद्र मोदी होरें साद्दा दित्ते दा ऐ। अज्ज राष्ट्री राजधानी च मीडिया आह्लें कन्नै गल्ल करदे होई विदेश मंत्रालय दे प्रवक्ता रंदीप जयसवाल होरें दस्सेआ जे श्री लूला डिसल्ला हुंदे कन्नै कई मंत्री ते बपारी डेलीगेशन बी औडन। उनें आखेआ जे 21 फरवरी गी दपक्खिया गल्लबात होग ते राष्ट्रपति द्रौपदी मुर्मू उन्दे मानै च धाम देडन। उनें अगगे आखेआ जे फ्रांस दे राष्ट्रपति इमैनुअल मैक्रों बी शिखर सम्मेलन च हिस्सा लैने लेई भारत दे त्रै दिन दे दौरें पर औडन। अंतरिम बपार समझौते दे बारै च भारत-अमरीका दे संयुक्त बयान बारै गल्ल करदे होई जयसवाल होरें आखेआ जे एह बयान इस मुद्दे पर दौनें मुल्लें आपसी सूझ-बूझ दा आधार ऐ। उनें अगगे आखेआ जे दवैं धड़े इस खाके गी अमलावरी पर कम्म करडन ते अंतरिम समझौते गी मुकदा रूप देडन।

<><><><><><>

Pakistan SC

पाकिस्तान दी सर्वोच्च अदालतै अज्ज अधिकारियें गी साबका प्रधानमन्त्री इमरान खान हुंदी अक्खियें दी जांच लेई इक चिकित्सा समिति गठित करने दा हुक्म दित्ता ऐ। एह हुक्म उंदी इक अक्खी च विनाई च समस्या दी रिपोर्ट मगरा आया ऐ। अदालतै अधिकारियें गी इमरान खान होरें गी उन्दे बच्चें कन्नै गल्ल कराने दी इजाजत देने दा बी हुक्म दित्ता ऐ। 73एं बरें दे इमरान खान कन्नै सरबंघत इक मामले दी सुनवाई करदे होई मुख न्यायाधीश याह्या अफरीदी ते न्यायमूर्ति शाहिद बिलाल हसन हुंदी दो सदस्यीय पीठ नै 16 फरवरी शा पैह्लें उंदी व्यापक जांच दा हुक्म दित्ता। इमरान खान भ्रष्टाचार दे इक मामले च दोषी ठहराए जाने मगरा 5 अगस्त, 2023 थमां जेलै च न।

<><><><><><>

Pakistan Hockey Team

पाकिस्तानी हॉकी टीम दे खडारिणं गी आस्ट्रेलिया दी राजधानी कैंबरा पुज्जने पर केई घैंटे सड़कें पर गुजारने लेई मजबूर कीता गेआ कीजे पाकिस्तानी हॉकी फेडरेशन आसेआ फंडें दी कमी कारण उंदिणं होटल दिणं बुकिंग्स गी रद्द करी दित्ता गेदा हा। पास्तनी खडारी आस्ट्रेलिया च एफ.आई.एच प्रो. लीग खेड्डें दे दुए चरण लेई होबार्ट जा'रदे हे। एह घटना पाकिस्तानी राष्ट्री खेड्डें आस्तै शर्मसार होने दा इक बड्डा कारण समझेआ जा'रदा ऐ। पाकिस्तानी टीम होबार्ट च आस्ट्रेलिया ते जर्मनी दिणं अव्वल टीमें कन्नै मैच लागा। पाकिस्तान प्रो. लीग च अजें तगर सब्बे 6 मैच हारी चुके दा ऐ।

<><><><><><>

IMD-Weather

भारती मौसम विभाग नै औंदे त्र'ऊं-च'ऊं दिनें दरान जम्मू-कश्मीर, लद्दाख, हिमाचल प्रदेश, उत्तराखंड ते अरुणाचल प्रदेश च कुतै-कुतै बरखा ते बर्फ पौने दी पेशनगोई कीती ऐ। मौसम विभाग नै अगले द'ऊं दिनें च मेघालय ते हिमाचल प्रदेश च कुतै-कुतै घना कोहरा पौने दी बी भविष्यवाणी कीती ऐ। इसै चाल्ली दक्खन पच्छमी बंगाल दी खाड़ी कन्नै लगदे इलाके ते पूर्वी हिंद महासागर च बी इसै चाल्ली दे हालात बने दे रौहड्ना। तटीय कर्नाटक च कल गर्म ते नमी भरोचा बने दा रौहग।

<><><><><><>

Textile

भारत ते अमरीका बश्कार होए दे अंतरिम बपार समझौते दा कपड़ा उद्योग नै सोआगत कीता ऐ। आलोक इंडस्ट्रीज लिमिटेड ते रिलायंस इंडस्ट्रीज लिमिटेड दे अध्यक्ष एनिल राजवंशी हो'रें आखेया ऐ जे इस समझौते कन्नै भारत ते अमरीका बश्कार बपार बढोग। राजवंशी हो'रें आखेया जे इस समझौते कन्नै कपड़ा उद्योग च साड्डे 4 करोड़ रपे थमां मते दा लोके गी लाहू होग। इसदे कन्नै रोजगार दे मौके पैदा होगन ते उत्पादन बढौग।

<><><><><><>

CBSE-OSM

केन्द्री माध्यमिक शिक्षा बोर्ड सी.बी.एस.इ इस बरे थमां 12मीं जमात दी आंसर शीटें दे मूलांकन लेई ऑन- स्क्रीन मीकिंग बवस्था लागू करोग। अजे कि 10मीं क्लास दे मतेहानें दी आंसर शीटें दी मीकिंग पैहले आंगर गै कीती जाहग। सी.बी.एस.इ दे मतेहानें दे कंट्रोलर संयम भारद्वाज हो'रें दस्सेया ऐ जे बोर्ड नै एह फैसला मतेहानें च मती पारदर्शिता ते जवाबदेही जकीनी बनाने लेई लैता ऐ। बोर्ड नै इस बरे थमां 10मीं दी दुई बोर्ड परीक्षा शुरु करने दा बी फैसला लैता ऐ। एह मतेहान उ'नें विद्यार्थियें लेई होग- जेहडे अपने प्रदर्शन च सुधार आहन्ना चाहंदे ना। एह सुविधा आप्शनल यानि वैकल्पिक होग यानि जेहडे बच्चें एहदा लाहू लैना चाहन लेई सकदे ना।

<><><><><><>